

Na osnovu člana 5. stav (3) i člana 13. stav (2) Pravilnika o izgledu i nošenju uniforme i službenim oznakama u Sudskoj policiji u Federaciji Bosne i Hercegovine („Službene novine Federacije BiH“, broj 56/22), direktor Sudske policije u Federaciji Bosne i Hercegovine, d o n o s i

**ODLUKU**  
**sastavnim dijelovima, izgledu, boji, tehničkim karakteristikama,**  
**rokovima trajanja i načinu nošenja taktičke uniforme**

**I**

Sastavni dijelovi taktičke uniforme su:

1. kapa kačket;
2. kapa beretka;
3. kapa zimska od flisa;
4. košulja dugih rukava;
5. borbena majica/podpancirna majica;
6. pantalone;
7. kratka jakna;
8. duga jakna sa podjaknom;
9. majica kratkih rukava sa okruglim izrezom;
10. majica kratkih rukava sa polo kragom;
11. topli veš;
12. čarape;
13. taktičke čizme;
14. taktičke/borbene patike;
15. taktičke rukavice.

**II**

Izgled i tehničke karakteristike sastavnih dijelova taktičke uniforme su:

**1. Kapa kačket**

**1.1. Opis artikla:**

Kapa je u obliku bejzbol kačketa.

Gornji dio kape (tjeme) je sašiven iz šest (6) ili manje dijelova i okruglog je oblika.

Prednja dva dijela su pojačana dodatnim materijalom radi čvršćeg i pravilnijeg stajanja kačketa na glavi.

Na centralnom prednjem dijelu kačketa bit će zašivena čičak traka na koju se postavlja gumirana značka sudske policije.

Na zadnja dva dijela kačketa našivene su trake sa čičkom koje služe za regulaciju veličine kačketa i iste su od osnovnog materijala kao i kačket.

Na zadnjem dijelu kačketa, iznad traka za podešavanje veličine, u polukružnom obliku, bit će izvezen natpis „JEDINICA ZA SPECIJALISTIČKU PODRŠKU“.

Na srednji dio oboda kačketa, dio koji ide oko glave, sa unutrašnje strane u donjem dijelu postavljena je tzv. „znojnica“, širine 2 cm.

Znojnica je pričvršćena sa 2 štepa za pojačanu čvrstoću, te svojim materijalom prilagođena za upijanje znoja pri visokim temperaturama.

Na gornjem dijelu kačketa nalaze se ventilacioni otvori, proštepene rupice koje služe za ventilaciju.

Na centralni prednji dio kape u širini obima kačketa se našiva šilt (koji je plastificiran) u dužini od cca 5 cm koji je proštepan po širini sa šest ukrasnih štepova i koji je dosta čvršći i deblji od gornjeg dijela kačketa.

Na šiltu sa lijeve i desne strane oboda bit će izvezena skraćenica **J S P**, (*Prilog 1., Skica 1*).

Za službenike sudske policije koji posjeduju činove „višeg“ i „samostalnog“ inspektora sudske policije i više, šilt je po obodu ukrašen „lovorovim listom“, žute boje, a na prednjem dijelu kačketa, gdje se spaja šilt sa gornjim dijelom je ukrasni vez žute boje širine 0,5 cm, (*Prilog 1., Skica 1*).

#### **1.2. Deklaracija:**

U unutrašnjoj strani kape našivena je etiketa koja sadrži sirovinski sastav materijala, zemlju porijekla proizvođača, način održavanja kape, te etiketa sa veličinskim brojem.

#### **1.3. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke kape kačketa je 24 mjeseca.

#### **1.4. Izgled i tehničke karakteristike:**

- Izgled kape kačketa dat je u *Prilogu 1., Skica 1.*;
- Boja kape kačketa je osnovna boja taktičke uniforme;
- Tehničke karakteristike kačketa kao što su izgled, boja i tehnički podaci materijala su prikazane u *Prilogu 1., Skica 1., Tabela 1.*;
- Ovaj sastavni dio taktičke uniforme izrađivat će se u EU veličinama;
- Tehničke karakteristike osnovne tkanine kape kačketa je Pamuk 18%, Poliester 80%, Elastin 2% +/- 5%, dok je šilt iznutra plastificiran, a okolica (gornji i doji dio šilta) je od istog materijala kao i osnova kačketa - *Prilog 1., Tabela 1.*

## **2. Kapa beretka**

#### **2.1. Opis artikla:**

Kapa beretka je uobičajenog oblika (kroja), postavljena postavom.

Donji rub kape opšiven je uskim ajnfasom od crne kože, širine 1 cm.

U ajnfas od kože uvučena je traka za fino podešavanje veličine koja se završava na centralnom zadnjem dijelu kape. Na dance se postavljaju dvije metalne ringlice crne boje.

#### **2.2. Deklaracija:**

U unutrašnjoj strani kape beretke našivena je etiketa koja sadrži sirovinski sastav, zemlju porijekla proizvođača, način održavanja kape kačketa, te etiketa sa veličinskim brojem.

#### **2.3. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke kape beretke je 48 mjeseci.

#### **2.4. Izgled i tehničke karakteristike:**

- Izgled kape beretke dat je u *Prilogu 1. - Skica 2.*;
- Boja kape beretke je crna, a koordinate boje su navedene u *Prilogu 1. – Tabela koordinate „crne“ boje za beretku i zimsku kapu od flisa*;
- Tehničke karakteristike osnovne tkanine kape beretke: izrađena je od 100 % vune, ajnfas je izrađen od crne kože, a postava je izrađena od 100% svila - *Prilog 1., Tabela 2.*

#### **2.5. Oznake sudske policije na artiklu:**

Na prednjem lijevom dijelu kape beretke (iznad lijeve sljepočnice), direktno na osnovnoj tkanini beretke je gumirana ili metalna značka sudske policije, a čiji je opis i izgled dat u *Prilogu 2., Opis i skica 9.*

### **3. Kapa zimska od flisa**

#### **3.1. Opis artikla:**

Kapa zimska od flisa je klasičnog oblika zimske kape koja se nosi bez presavijanja.

Kapa zimska je crne boje ili boje osnovne taktičke uniforme.

Kapa zimska je izrađena od polyester flisa, otporna je na vjetar i ima sposobnost odbijanja vode. Polyester flis mora biti otporan na piling (guljenje materijala), ne smije upijati vodu i mora imati sposobnost grijanja i kad se pokvasi. S prednje strane našivena je gumirana značka Sudske policije.

#### **3.2. Deklaracija:**

U unutrašnjoj strani kape našivena je etiketa koja sadrži sirovinski sastav, zemlju porijekla proizvođača, način održavanja kape, te etiketa sa veličinskim brojem.

#### **3.3. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke kape je 48 mjeseci.

#### **3.4. Izgled i tehničke karakteristike:**

- Izgled kape dat je u *Prilogu 1., Skica 3.*;
- Boja zimske kape je crna, a koordinate boje su navedene u *Prilogu 1. – Tabela koordinate „crne“ boje za beretku i zimsku kapu od flisa*;
- ili osnovna boja taktičke uniforme;
- Tehničke karakteristike osnovne tkanine kape: izrađena je od Poliester Flis 100%, otporan na piling - *Prilog 1., Tabela 3.*

#### **3.5. Oznake sudske policije na artiklu:**

Na prednjem dijelu zimske kape je našivena gumirana značka sudske policije, a čiji je opis i izgled dat u *Prilogu 2., Opis i skica 9.*

### **4. Košulja dugih rukava**

#### **4.1. Opis artikla:**

Košulja je ravnog funkcionalnog kroja i odgovarajuće dužine, dugih rukava i kopča se uz pomoć dugmadi.

Na leđnom dijelu, košulja je postavljena mrežicom do pojasa. Također, ova mrežica je našivena i u bočnim dijelovima košulje i donjim dijelovima rukava, u visini pazuha, čime se postiže nesmetan protok zraka na mjestima gdje se korisnik najviše znoji.

Košulja se naprijed kopča uz pomoć dugmadi, pri čemu je vidno samo prvo dugme u predjelu vratnog izreza, dok su ostala dugmad nevidljiva sa spoljne strane (skriveno kopčanje). Na lajsni, sa spoljne strane, u visini džepova, našiven je zamkasti dio čičak trake. On služi za kačenje oznake čina korisnika.

Kragna košulje je tzv. „ruska kragna“, kopčanje kragne je izvedeno na način da je dužina lijevog dijela kragne produžena za 8 cm u odnosu na desni dio kragne i da je taj produženi dio kragne slobodan. Kragna se kopča opisanim slobodnim krajem za fiksirani dio kragne uz pomoć postojećih čičak traka. Kragna se može nositi kao tzv. „ruska kragna“ u zakopčanom stanju i kao „rever“ kragna u slučaju kada se otkopča prvo dugme na lajsni. Na zadnjem (leđnom) dijelu kragne našivena je čičak traka na koju se kače oznake kojim se omogućava identifikacija korisnika.

Na prednjim dijelovima košulje u visini ramena našivene su dvije trake kroz koje se mogu provući

kablovi slušalice i mikrofona tzv. „gluhača“ za ručnu radio stanicu korisnika.

Na oba prednja dijela košulje u visini grudi nalazi se po jedan kosi džep (nakošen pod uglom od cca 45% prema bradi korisnika) sa patnom koji se kopča sistemom čičak traka. Svaki džep se sastoji iz dva džepa: prvi sa faltnom, koji je vidljiv na licu košulje i čiji se otvor nalazi sa gornje strane džepa odmah ispod patne i drugi, čiji se otvor nalazi sa strane i koji je za cca 5 cm duži od gornjeg džepa sa faltnom. Džep sa faltnom je našiven na džep koji ima otvor sa strane. Na donjoj strani džepa sa faltnom, bliže bočnom dijelu košulje, nalazi se halka za kačenje karabinjera.

Unutar džepa sa faltnom nalaze se tri uske pregrade koje služe za skladištenje sitnijih dijelova materijalno-tehničkih sredstava (baterijska lampa i sl.).

Na patni džepa u dijelu gdje je patna zašivena za prednji dio košulje nalazi se manji otvor dužine cca 6 cm koji omogućava lakši pristup sadržaju džepa, npr. olovke, mini baterijske lampe i sl., bez otvaranja patne.

Iznad patne džepa na lijevoj strani u istoj ravni (koso) našiven je vlaknasti dio čičak trake koji služi za identifikacione oznake korisnika npr. naziv jedinice kojoj pripada i dr.

Na lijevom džepu sa strane bliže lajsni košulje, našiven je dio tkanine u vidu tunela koji služi za kačenje olovke.

Iznad patne džepa na desnoj strani u istoj ravni (koso) su našiveni vlaknasti dijelovi čičak trake koji služi za identifikacione oznake npr. (formacijskog mjesta odnosno dužnosti koju obavlja i dr.).

Na zadnjem dijelu košulje u predjelu pojasa nalazi se sistem za regulaciju obima struka. Ovaj sistem se sastoji od dvije trake (lajsne) od tkanine ušivene u bočnim šavovima košulje sa sistemom čičak traka. Pozicioniranjem lajsne sa čičak trakama dobija se željeni obim pojasa.

Na oba rukava nalazi se isti raspored džepova ojačanja i ostalih dodataka.

Na gornjem dijelu rukava nalazi se jedan kosi džep (koji prati kosinu džepa košulje) sa patnom koji je svojim većim dijelom našiven prema prednjoj strani košulje. Kopčanje (zatvaranje) džepa je uz pomoć čičak trake.

Na spoljnom dijelu džepa cijelom površinom našiven je vlaknasti dio čičak trake koji služi za kačenje oznaka amblema ili grba sudske policije, pripadnosti timu, krvne grupe korisnika i dr. Kada se oznake ne nose, vlaknasta traka se pokriva pravougaonim parčetom tkanine na koju je sa unutrašnje strane našiven kukičasti dio čičak trake.

Na zadnjoj strani rukava od lakta pa do skoro kraja rukava našiven je džep u kome je smješteno anatomski oblikovano laktno ojačanje, izrađeno od sundera odgovarajućih dimenzija i debljine. Džep se zatvara pomoću čičak trake.

Na krajevima rukava u zglobnom dijelu našiven je sistem za regulaciju obima rukava koji se sastoji od letvice (trake) izrađene od osnovnog materijala koja se završava gumiranim dijelom. Letvice su našivene u bočnim šavovima rukava i na svom unutrašnjem dijelu imaju našiven po cijeloj dužini kukičasti dio čičak trake. Na cca 1 cm od bočnog šava u kome je ušivena lajsna, počev od prednjeg dijela rukava, našiven je zamkasti dio čičak trake. Opisanim čičak trakama i lajsnama omogućena je regulacija obima otvora rukava.

Na sredini leđnog dijela, ispod kragne sa unutrašnje strane, našivena je vješalica od keper trake.

Svi sastavni šavovi su proštepami dvostrukim zrnastim ubodom i to na mjestima gdje tkanina trpi velika naprezanja prilikom nošenja. Svi iskrojeni elementi imaju obrađene ivice protiv osipanja (paranja) materijala. Otvori džepova su dodatno učvršćeni.

Košulja je dodatno ojačana flizelinom u dijelovima: kragne, patne i manžetne. Svi unutrašnji šavovi na košulji su obrađeni na mašini za obradu (overlovka). Dugmad: prečnik dugmeta = 2 cm, debljina = 0.3 cm, u boja osnovne tkanine. Čičak traka prošivena na pismo u boji osnovne tkanine.

#### **4.2. Deklaracija:**

U lijevoj bočnoj unutrašnjoj strani košulje našivena je etiketa koja sadrži sirovinski sastav, zemlju porijekla proizvođača, te način održavanja košulje, a na sredini leđnog dijela, ispod kragne našivena je etiketa sa veličinskim brojem.

#### **4.3. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke košulje dugih rukava je 12 mjeseci.

#### **4.4. Izgled i tehničke karakteristike:**

- Izgled košulje dugih rukava dat je u *Prilogu 1., Skica 4. i 4a*;
- Boja košulje dugih rukava je zelene boje čije su koordinate date u *Prilogu 1.*;
- Ovaj sastavni dio taktičke uniforme izrađivat će se u EU veličinama;
- Tehničke karakteristike osnovne tkanine košulje dugih rukava su navedene u *Prilogu 1. - Tabela 4.*;

#### **4.5. Oznake sudske policije na artiklu:**

Na desnom rukavu, na sredini gornje polovine rukava, na čičak traku našivenu na džep postavlja se gumirani amblem sa natpisom Federacije Bosne i Hercegovine i Sudske policije, čiji je izgled dat u *Prilogu 2., Opis i skica 2..*, a neposredno iznad se postavlja gumirana oznaka krvne grupe čiji je izgled dat u *Prilogu 2., Opis i skica 6.*

Na lijevom rukavu, na sredini gornje polovine rukava, na čičak traku našivenu na džep postavlja se gumirani amblem Sudske policije, čiji je izgled dat u *Prilogu 2., Opis i skica 3.*

Iznad patne džepa na lijevoj strani na našiveni vlaknasti dio čičak trake postavlja se identifikaciona gumirana oznaka korisnika npr. JEDINICA ZA SPECIJALISTIČKU PODRŠKU, čiji je izgled dat u *Prilogu 2., Opis i skica 4.*

Iznad patne džepa na desnoj strani na našiveni vlaknasti dio čičak trake postavlja se gumirana identifikaciona oznaka formacijskog mjesta odnosno dužnosti koju obavlja korisnik npr. VOĐA TIMA ZA SPECIJALNE OPERACIJE, čiji je izgled dat u *Prilogu 2., Opis i skica 5.*

Na prednjoj strani u gornjem lijevom dijelu na okrugli vlaknasti dio čičak trake postavlja se gumirana značka sudske policije, čiji je izgled dat u *Prilogu 2., Opis i skica 1.*

Na lajsni sa prednje spoljne strane u visini između džepova na našiveni dio čičak trake, kači se gumirana oznaka čina korisnika, čiji je izgled i opis dat u *Prilogu 2., Skica od tačke a) do tačke k) Izgleda pojedinačnih oznaka čina na taktičkoj uniformi.*

Na zadnjem (leđnom) dijelu kragne našivena je čičak traka na koju se kače npr. oznake kojim se omogućava identifikaciju tima službenika, čiji je izgled dat u *Prilogu 2. Opis i skica 8.*

## **5. Borbena – podpancirna majica**

### **5.1. Opis artikla:**

Majica je klasičnog kroja, u kombinaciji pletenine 100% pamuk za prednji i zadnji dio i donji dio rukava i rip-stop materijala sirovinskog sastava: 18% pamuk, poliester 80%, 2% elastin +/-5% za gornji dio rukava, dugih je ranglan rukava sa ojačanjima na laktovima i stojećom kragom.

Prednjice i leđa su rađeni od pletenine, a rukavi i kragna su rađeni od rip-stop materijala.

Pletenina na majici je bez ispuštenih ili izduženih petlji, zadebljanja prediva i ravnomyernog je obojenja.

Prednjica i leđa su krojeni iz jednog dijela odvojeno.

Na sredini prednjice je formiran otvor koji se zatvara-kopča sa kragom gumiranim patent zatvaračem dužine 24 cm.

U vratni izrez je našivena stojeća kragna širine 5 cm, u kombinaciji materijala, odnosno gornja kragna je od pletenine, a donja od rip-stop materijala. Na desnoj strani kragne ispod patent zatvarača je našivena lajsna širine 2,5 cm i dužine 6,5 cm koja se u gornjem dijelu previja 1,5 cm preko patent zatvarača za prekrivanje ključa. Kragna je iberštepna sa jednim širim štepom 0,6 cm.

Na zadnjem (leđnom) dijelu kragne našivena je čičak traka dimenzija širine 5 cm i visine 4 cm na koju se kače oznake (oznake kojim se omogućava identifikaciju tima službenika).

Na oba rukava nalazi se isti raspored džepova ojačanja i ostalih dodataka.

Na gornjem dijelu rukava nalazi se jedan kosi džep (koji prati kosinu džepa košulje) sa patnom koji je svojim većim dijelom našiven prema prednjoj strani majice. Kopčanje (zatvaranje) džepa je uz pomoć čičak trake.

Na spoljnom dijelu džepa cijelom površinom našiven je vlaknasti dio čičak trake koji služi za kačenje oznaka npr. amblem ili grb sudske policije, pripadnosti timu, krvne grupe korisnika i dr.

Na zadnjoj strani rukava od lakta pa do skoro kraja rukava našiven je džep u kome je smješteno anatomski oblikovano laktno ojačanje, izrađeno od sunđera odgovarajućih dimenzija i debljine. Džep se zatvara pomoću čičak trake.

Regulacija visine i položaja laktnog ojačanja moguća je zahvaljujući postojećem kanalu kroz koji je provučena elastična traka. Elastična traka je postavljena tako da su njeni krajevi provučeni kroz stoper sa dva otvora i jedno plastično okce i kao takvi ušiveni u bočni šav džepa za laktno ojačanje. Ukoliko regulacija nije potrebna elastična traka se uvlači zajedno sa stoperom u mali džep predviđen za tu svrhu.

Na krajevima rukava u zglobnom dijelu našiven je sistem za regulaciju obima rukava koji se sastoji od trake izrađene od osnovnog materijala. Trake su našivene u bočnim šavovima rukava i na svom unutrašnjem dijelu imaju našiven po cijeloj dužini kukičasti dio čičak trake. Na 1 cm od bočnog šava u kome je ušivena lajsna, počev od prednjeg dijela rukava, našiven je vlaknasti dio čičak trake. Opisanim čičak trakama i lajsnama omogućena je regulacija obima otvora rukava.

U lijevoj bočnoj unutrašnjoj strani majice našivena je etiketa koja sadrži sirovinski sastav, zemlju porijekla proizvođača, te način održavanja majice, a na sredini leđnog dijela, ispod kragne našivena je etiketa sa veličinskim brojem.

### **5.2. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke majice dugih rukava je 12 mjeseci.

### **5.3. Izgled i tehničke karakteristike:**

- Izgled majice dugih rukava dat je u *Prilogu 1., Skica br.5. i 5a*;
- Boja majice podpancirne je zelene boje, čije su karakteristike date u *Prilogu 1.*;
- Ovaj sastavni dio taktičke uniforme izrađivat će se u EU veličinama;
- Tehničke karakteristike osnovne tkanine– materijala za borbenu/podpancirna majicu dugih rukava su navedene u *Prilogu 1., Tabela 5.*

### **5.4. Oznake sudske policije na artiklu:**

Na desnom rukavu, na sredini gornje polovine rukava, na čičak traku našivenu na džep postavlja se gumirani amblem sa natpisom Federacije Bosne i Hercegovine i Sudske policije, čiji je izgled dat u *Prilogu 2., Opis i skica 2.*, a neposredno iznad se postavlja gumirana oznaka krvne grupe čiji je izgled dat u *Prilogu 2., Opis i skica 6.*

Na lijevom rukavu, na sredini gornje polovine rukava, na čičak traku našivenu na džep postavlja se gumirani amblem Sudske policije, čiji je izgled dat u *Prilogu 2., Opis i skica 3.*

Na zadnjem (leđnom) dijelu kragne našivena je čičak traka dimenzija širine 5 cm i visine 4 cm na koju se kače oznake (oznake kojim se omogućava identifikaciju tima službenika), čiji je izgled dat u *Prilogu 2., Opis i skica 8.*

## **6. Pantalone**

### **6.1. Opis artikla:**

Pantalone su klasičnog kroja, nogavice se blago sužavaju.

Pantalone imaju povišen pojas na leđnom dijelu. Kopčanje pantalona je omogućeno sa dvije metalne nitne (driker) sa spoljne strane i jednim dugmetom s unutrašnje strane. Gajke su postavljene duž obima pojasa širine da kroz njih može proći taktički podopasač i imaju produžetak u vidu omče, koje služe za provlačenje sajle, „D“ halke i sl.

U pojasu na bočnim dijelovima uvučene su elastične trake. Pantalone se sa prednje strane kopčaju spiralnim metalnim patent-zatvaračem (rajferšlusom), koji je skriven.

Ispod pojasa s obje strane su džepovi, koji s unutrašnje strane imaju tunel za smještaj noža. Ispod ovih džepova izrađeni su paspul džepovi.

Na određenom rastojanju od paspula džepova našiveni su bočni džepovi sa patnom i kopčanjem na čičak. Sa spoljne strane su ubačene dvije lajsne radi povećanja zapremine džepa. Na džepu je na sredini napravljena faltna. Sa donje strane džep ima otvor za oslobađanje od nečistoća. S unutrašnje strane džepa je našivena elastična traka, koja je vertikalno proštepana.

Na visini od 25 cm (+/-1 cm) od donje ivice nogavice našiven je džep za umetanje ojačanja od tvrdog sunđera za zaštitu koljena. Ubacivanje ojačanja se vrši sa donje strane, a otvor se zatvara pomoću čičak trake.

Štitnik od sunđera je paspuliran sintetičkom trakom. Oblik štitnika treba da je takvog dizajna da se anatomski prilagodi nozi i omogućava adekvatnu zaštitu.

Na krajevima nogavice u zglobnom dijelu našiven je sistem za regulaciju obima nogavice koji se sastoji od trake izrađene od osnovnog materijala. Trake su našivene u bočnim šavovima nogavice i na svom unutrašnjem dijelu imaju našiven po cijeloj dužini kukičasti dio čičak trake. Na 1 cm od bočnog šava u kome je ušivena lajsna, počev od prednjeg dijela nogavice našiven je vlaknasti dio

čičak trake. Opisanim čičak trakama i lajsnama omogućena je regulacija obima otvora nogavice.

Između nogu s unutrašnje strane je umetak koji je od materijala koji se rasteže (elastin) koji daje komociju korisniku, sa po dvije opletene rupice (luftera).

Sa zadnje strane pantalona nalazi se ojačanje sjedalnog dijela u vidu polukruga.

Na zadnjem dijelu pantalona na određenom rastojanju od pojasa umetnuta su dva džepa sa patnama. Patne su kopljastog oblika. Džepovi se kopčaju uz pomoć čička.

Ispod zadnjih džepova izrađeni su zadnji bočni džepovi koji imaju kosi otvor. Duž duže strane džepa ubačene su dvije lajsne, čime se povećava zapremina džepa. Kraća strana džepa predstavlja ujedno i otvor skrivenog džepa koji se zatvara pomoću spiralnog patent-zatvarača (rajferšlusa). Ovaj patent-zatvarač omogućava olakšano otvaranje džepa dok je čovjek u sjedećem položaju.

Na određenom rastojanju od donje ivice pantalona (u visini lista noge), na zadnjem dijelu svake nogavice, smješten je po jedan bočni džep sa patnom koji se kopča uz pomoć čička. Džep je štepom podijeljen na dva dijela i na svom donjem kraju ima otvor za izbacivanje nečistoća. Na spoljnoj strani džepa našivena je elastična traka.

Svi sastavni šavovi su proštepami dvostrukim zrnastim ubodom i to na mjestima gdje tkanina trpi velika naprezanja prilikom nošenja.

Svi unutrašnji šavovi na pantalonama su obrađeni na mašini za obradu (overlovka).

Bočni i zadnji džepovi u gornjem dijelu su ojačani ringlama, a kosi ispod pojasa i u bočnom šavu.

Pantalone su ojačane sa flizelinom u: pojasu, patnama, šlicu i šlingicama.

Driker metalni, rajfešlus spiralni, čičak traka prošivena na pismo u boji osnovne tkanine.

## **6.2. Deklaracija:**

U unutrašnjoj strani pojasa pantalona našivena je etiketa koja sadrži sirovinski sastav, zemlju porijekla proizvođača, način održavanja hlača i etiketa sa veličinskim brojem.

## **6.3. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke pantalona je 12 mjeseci.

## **6.4. Izgled i tehničke karakteristike:**

- Izgled pantalona dat je u *Prilogu 1., Skica 6. i 6a.*;
- Boja pantalona je zelene boje, čije su karakteristike date u *Prilogu 1.*;
- Ovaj sastavni dio taktičke uniforme izrađivat će se u EU veličinama;
- Tehničke karakteristike osnovne tkanine pantalona su navedene u *Prilogu 1. - Tabela 6.*

## **7. Kratka jakna**

### **7.1. Opis artikla:**

Jakna je ravnog kroja, izrađena od osnovnog materijala zelene boje. Jakna je kompletno podstavljena tanjom mrežastom podstavom, crne boje. Jakna se kopča zrnastim patent zatvaračem, Patent zatvarač na sebi ima izrađen gurač sa tekstilnom trakom. Na desnoj prednjici ispod patent zatvarača nalazi se lajsna širine 3 cm.

Na gornjem dijelu (satli) desne prednjice našivena je meka čičak traka, širine 5 cm i dužine 10 cm, a na lijevoj gornjoj prednjici našivena je meka čičak traka širine 6 cm i dužine 8 cm, na koje se postavljaju oznake činova i grba uz pomoć grube čičak trake. Na prednjicama kod kanta u grudnom dijelu 2 cm od satla formirani su ukošeni džepovi koji se zatvaraju sa patent zatvaračem dužine 16



cm prekriveni paspul trakom dužine 16 cm i širine 1,5 cm. U desnom džepu nalazi se ušivena traka sa plastičnom kopčom.

U donjem dijelu prednjice našiven je po jedan džep, otvora 17,5 cm, koji je prekriven patnom, širine 4,5 cm i dužine 22,5 cm, koji se kopča plastičnim patent zatvaračem. Džepovi su sa unutrašnje strane postavljeni mrežastom postavom. Čitavom širinom jakne na udaljenosti nalazi se fluorescentna siva traka, širine 2,5 cm.

Kragna je stojeća duplo krojena, visina kragne je 8 cm. U gornjem dijelu kragne nalazi se ušiven gajtan za regulaciju širine. Leđa su krojena iz dva dijela.

Jakna je podvijena 2,5 cm sa formiranim tunelom u kome se nalazi traka koja se kopča na tri drikera za regulaciju širine. U bočnim dijelovima je izrađen šlic, dužine 21 cm, sa dvosmjernim zatvaračem. Na bočnim stranama su našivene trake širine 3 cm, dužine 8,5 cm.

Rukavi su ravnog kroja. Rukavi su izrađeni iz tri dijela, završavaju se manžetnom dužine 3,5 cm, na kojoj je našivena meka čičak traka dimenzija širine 2,5 cm i dužine 13,5 cm, na koju se fiksira gruba čičak traka dužine 5 cm širine 2 cm radi regulacije obima manžetne. Na nadlaktici rukava našiveni su ukošeni džepovi prema unutrašnjosti širine 18 cm i dužine 24 cm koji se zatvara patent zatvaračem prekriven paspul trakom, otvora džepa od 18 cm.

Na rukavima u predjelu lakta nalaze se tri ušitka sa razmakom od 4 cm. Na bezecima jakne sa unutrašnje strane u predjelu grudi su formirana dva vertikalna prosječena džepa, koji se zatvaraju sa patent zatvaračem dužine 16 cm. U vratnom izrezu je ušivena vješalica 8,5 cm i širine 1 cm. Ispod vješalice nalazi se etiketa sa oznakom veličinskog broja.

## **7.2. Deklaracija:**

U unutrašnjoj strani kratke jakne našivena je etiketa koja sadrži sirovinski sastav, zemlju porijekla proizvođača, te način održavanja jakne, a na sredini leđnog dijela, ispod kragne sa unutrašnje strane našivena je etiketa sa veličinskim brojem.

## **7.3. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke kratke jakne je 48 mjeseci.

## **7.4. Izgled i tehničke karakteristike:**

- Izgled kratke jakne dat je u *Prilogu 1., Skica 7. i 7a.*;
- Boja kratke jakne je zelena, čije su karakteristike date u *Prilogu 1.*;
- Ovaj sastavni dio taktičke uniforme izrađivat će se u EU veličinama;
- Tehničke karakteristike osnovne tkanine kratke jakne su navedene u *Prilogu 1., Tabela 7.*;
- Postava kratke jakne je od lakog materijala, odnosno mreže, izrađena u boji osnovne tkanine.

## **7.5. Oznake sudske policije na artiklu:**

Na desnom rukavu, na sredini gornje polovine rukava, na čičak traku našivenu na džep postavlja se gumirani amblem sa natpisom Federacije Bosne i Hercegovine i Sudske policije, čiji je izgled dat u *Prilogu 2. Opis i skica 2.*, a neposredno iznad se postavlja gumirana oznaka krvne grupe čiji je izgled dat u *Prilogu 2., Opis i skica 6.*

Na lijevom rukavu, na sredini gornje polovine rukava, na čičak traku našivenu na džep postavlja se amblem sa značkom Sudske policije, čiji je izgled dat u *Prilogu 2. Opis i skica 3.*

Iznad gornjeg otvora džepa na lijevoj strani na našiveni vlaknasti dio čičak trake širine 3 cm, dužine 14 cm postavlja se identifikaciona oznaka korisnika npr. JEDINICA ZA SPECIJALISTIČKU PODRŠKU, čiji je izgled dat u *Prilogu 2. Opis i skica 4.*

Iznad gornjeg dijela otvora džepa na desnoj strani na našiveni vlaknasti dio čičak trake širine 3 cm, dužine 14 cm postavlja se identifikaciona oznaka formacijskog mjesta odnosno dužnosti koju obavlja

korisnik sa oznakom krvne grupe istog npr. VOĐA TIMA ZA SPECIJALNE OPERACIJE, čiji je izgled dat u *Prilogu 2., Opis i skica 5.*

Na prednjoj strani u gornjem lijevom dijelu na našiveni okrugli vlaknasti dio čičak trake promjera 7 cm postavlja se gumirana značka sudske policije, čiji je izgled dat u *Prilogu 2., Opis i skica 1.*

Na lajsni sa spoljne strane u visini između džepova na našiveni dio čičak trake, širine 5 cm, dužine 10 cm kači se gumirana oznaka čina korisnika, čiji je izgled i opis dat u *Prilogu 2., Skica od tačke a) do tačke k) Izgleda pojedinačnih oznaka čina na taktičkoj uniformi.*

Na zadnjem (leđnom) dijelu kragne našivena je čičak traka dimenzija širine 5 cm i visine 4 cm na koju se kače oznake (oznake kojim se omogućava identifikaciju tima službenika), čiji je izgled dat u *Prilogu 2., Opis i skica 8.*

## **8. Duga jakna sa podjaknom**

Duga jakna sa podjaknom je sastavljena od vanjske jakne i podjakne, tako da zajedno čine komplet, a obje se mogu nositi odvojeno.

### **8.1. Vanjska jakna**

#### **8.1.1. Opis artikla:**

Vanjska jakna je uobičajenog kroja, sa kapuljačom složenom u kragni. Namijenjena je za nošenje sa podjaknom, služi kao zaštita od kiše, vjetra i velike hladnoće, a ista se po potrebi može i samostalno nositi. Jakna se sastoji od osnovne tkanine i postave.

Na leđnom dijelu, jakna je podstavljena mrežicom do pojasa, čime je omogućen protok zraka na mjestima gdje se korisnik najviše znoji, te na taj način pruža korisniku osjećaj ugodnosti.

Mrežica je našivena i u bočnim dijelovima jakne i donjim dijelovima rukava, u visini pazuha.

Kapuljača je izrađena od osnovnog materijala, ista se po obimu podešava učkurom sa dva plastična regulatora postavljena na elastičnom učkuru sa ojačanim završecima. Na gornjem dijelu kapuljača ima fazoniran polu šilt. Srednji dio polu šilta, na sredini ojačan je sa još jednom dodatnom tkaninom, a srednji dio polušilta širine 15 cm proštepao je sa 5 vodoravnih štepova. Kapuljača je postavljena postavom u boji osnovnog materijala. Kapuljača je od sredine vratnog izreza učvršćena sa pet drikeri raspoređenih na svakih 10 cm, a sa obje strane nalazi se slobodan dio od 1 cm do tunela kroz koji prolazi učkur širine 1,5 cm.

Jakna se kopča YKK rajfešlusom od vrha do dna i duplom lajsnom sa metalnim drikerima koji imaju skriveno kopčanje. Jedna lajsna, ona koja ide preko, je širine 4 cm, a druga koja ide ispod je 3,5 cm. Lajsne se kopčaju pomoću 8 ravnomjerno raspoređenih metalnih drikeri.

Leđa se kroje iz dva dijela. Na leđima u razmaku od 17 cm od okovratnika jakne je horizontalno preko čitavog leđnog dijela izrađena lajsna širine 5 cm, a ispod koje je postavljen sakriveni rajfešlus dužine 32 cm. U unutrašnjem djelu rajfešlusa je zašivena tkanina od osnovnog materijala dimenzija 30x20 cm sa termonatpisom ispisanim u tri reda visine cca 10-12 cm, širine cca 25-30 cm i glasi: „JEDINICA ZA SPECIJALISTIČKU PODRŠKU“, čiji je izgled dat u *Prilogu 2., Opis skica 7.*

Navedeni dio tkanine sa natpisom se po potrebi, može vaditi, odnosno može biti vidljiv na leđima. Na panelu sa natpisom sa unutrašnje gornje strane, na sredini, našiva se čičak traka, koja se kopča za čičak traku na leđima, našivenu ispod rajfešlusa na sredini, koja drži donji leđni dio jakne u stanju otvorenog rajfešlusa.

Prednjice su krojene iz dva dijela sa satlom na kojoj su formirani džepovi u grudnom i donjem dijelu prednjica.

Na oba prednja dijela jakne u visini grudi nalazi se po jedan kosi džep (nakošen pod uglom od cca 45% prema bradi korisnika) sa patnom koji se kopča sistemom čičak traka. Svaki džep se sastoji iz dva džepa: prvi sa faltnom, koji je vidljiv na licu jakne i čiji se otvor nalazi sa gornje strane džepa odmah ispod patne i, drugi čiji se otvor nalazi sa strane i koji je za cca 5 cm duži od gornjeg džepa sa faltnom. Džep sa faltnom je našiven na džep koji ima otvor sa strane. Na donjoj strani džepa sa faltnom, bliže bočnom dijelu jakne nalazi se halka za kačenje karabinjera.

Unutar džepa sa faltnom nalaze se tri uske pregrade koje služe za skladištenje sitnijih dijelova materijalno-tehničkih sredstava (baterijska lampa i sl.).

Na patni džepa u dijelu gdje je patna zašivena za prednji dio jakne nalazi se manji otvor dužine cca 6 cm koji omogućava lakši pristup sadržaju džepa, npr. lampi, bez otvaranja patne.

Iznad patne džepa na lijevoj strani u istoj ravni (koso) našiven je vlaknasti dio čičak trake koji služi za identifikacione oznake korisnika naziv tima ili odsjeka, odnosno unutrašnje organizacione jedinice u koju je raspoređen.

Na lijevom džepu sa strane bliže lajsni košulje, našiven je dio tkanine u vidu tunela koji služi za kačenje olovke.

Iznad patne džepa na desnoj strani u istoj ravni (koso) su našiveni vlaknasti dijelovi čičak trake koji služi za identifikacione oznake formacijskog mjesta odnosno dužnosti koju obavlja.

Na lijevoj strani lajsne sa spoljne strane prednjice našiven je dio čičak trake, širine 5 cm, dužine 10 cm i služi za kačenje gumirane oznake čina korisnika. Lajsna je širine 6 cm, sa kopčanjema na 8 ravnomjerno raspoređenih metalnih drikeru.

Na lijevoj i desnoj strani prednjice izrađeni su kosi skriveni džepovi sa dva paspula koji se kopčaju pomoću skrivenog rajfešlusa, u kojem je, u gornjem dijelu, izrađen tunel za skrivanje potezača dužine 2cm.

Na lijevoj i desnoj unutrašnjoj strani jakne izrađeni su paspul džepovi u visini vanjske patne, koji se kopčaju pomoću rajfešlusa.

Jakna se kopča sa YKK rajfešlusom od vrha kragne do dna jakne. Ispod rajfešlusa našivena je podlajsna širine 2 cm, na krajevima zaobljena.

U donjem dijelu jakne su formirana dva kosa džepa koji se zatvaraju gumiranim patent zatvaračem dužine 22 cm koji su prekriveni sa kosom lajsnom prema otvoru džepa koja je u donjem dijelu zaobljena.

Na oba rukava nalazi se isti raspored džepova ojačanja i ostalih dodataka.

Na gornjem dijelu rukava nalazi se jedan kosi džep (koji prati kosinu džepa jakne) sa patnom koji je svojim većim dijelom našiven prema prednjoj strani jakne. Kopčanje (zatvaranje) džepa je uz pomoć čičak trake.

Na spoljnom dijelu džepa cijelom površinom našiven je vlaknasti dio čičak trake koji služi za kačenje oznaka amblem ili grb sudske policije, krvne grupe korisnika i dr.

Na krajevima rukava, u zglobnom dijelu, našivena je letvica (traka) koja je izrađena od osnovne tkanine sa gumiranim završetkom, a služi za prilagođavanje obima rukava. Trake su našivene u bočnim šavovima rukava i na svom unutrašnjem dijelu imaju našiven kukičasti dio čičak trake. Na

cca 1 cm od bočnog šava u kome je ušivena lajsna, počev od prednjeg dijela rukava, našiven je kukičasti dio čičak trake. Opisanim čičak trakama i lajsnama omogućena je regulacija obima otvora rukava, kojima se postiže udobnost i komocija korisnika.

Sa obje strane jakne na dijelu rukava ispod pazuha formirani su otvori koji se zatvaraju dvosmijernim patent zatvaračem, a služe za regulaciju protoka zraka.

Sa obje strane jakne na bočnim stranama, nalaze se otvori koji se zatvaraju patent zatvaračem za lakši pristup oružju i opremu. Na bočnim donjim dijelovima jakne sa unutrašnje strane nalaze se PVC kopče za fiksiranje jakne na boku, koje imaju mogućnost brzog potezanja radi lakšeg pristupa oružju.

U unutrašnjem dijelu jakne na sredini a bliže struku, je našivena lajsna širine 3 cm sa otvorima metalnim rinčicama kroz koje je provučen elastični gajtan sa PVC regulatorima za regulisanje širine jakne.

Na prednjem sastavu jakne ispod centralne lajsne i rajfešlusa sa unutrašnje strane našiveni su rajfešlusi sa obrtnim ključem koji služe za kopčanje podjakne za vanjsku jaknu. Navedeni rajfešlus je u dijelu kragne zaštićen našivanjem tkanine od osnovnog materijala, koji služi kao zaštita za bradu, koji je u gornjem dijelu širine 5 cm i koji se spušta ovalno na 8 cm.

Na vanjskoj jakni se u unutrašnjem dijelu vratnog izreza i unutrašnjem donjem djelu rukava postavljaju keper traka sa metalnim drikerom, koje služe za fiksiranje podjakne za vanjsku jaknu.

#### **8.1.2. Popis pojedinih detalja:**

Jakna je sašivena kvalitetno, a svi sastavni šavovi su proštepani dvostrukim zrnastim ubodom, i to na mjestima gdje tkanina trpi veliko naprezanje prilikom nošenja, radi čvrstine.

Otvori džepova su dodatno učvršćeni.

Jakna je sašivena tako da pruža maksimalan komfor korisniku, a istovremeno mu nudi visok stepen zaštite od vjetra, kiše, hladnoće, fleksibilna je i funkcionalna.

Svi šavovi na jakni su vareni i vodonepropusni.

Driker: - metalna kapa.

Rajfešlus: - YKK, boja osnovne tkanine, (džepovi, panel).

Na svim rajfešlusima izrađeni su potezači od pvc gume širine cca 1 cm.

#### **8.1.3. Deklaracija:**

U unutrašnjoj strani vanjske jakne našivena je etiketa koja sadrži sirovinski sastav, zemlju porijekla proizvođača, te način održavanja vanjske jakne, a na sredini leđnog dijela, ispod kragne sa unutrašnje strane našivena je etiketa sa veličinskim brojem.

#### **8.1.4. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke vanjske jakne je 48 mjeseci.

#### **8.1.5. Izgled i tehničke karakteristike:**

- Izgled duge jakne dat je u *Prilogu 1., Skica 8. i 8a.*;
- Boja jakne je zelene boje, čije su karakteristike date u *Prilogu 1.*;
- Ovaj sastavni dio taktičke uniforme izrađivat će se u EU veličinama;
- Tehničke karakteristike osnovne tkanine vanjske jakne su da je vodonepropusna, trosjlojna laminirana, sa specijalnom laminacijom i dišljivom membranom i varenim šavovima, što je navedene u *Prilogu 1., Tabela 8.*
- Jakna je postavljena sa postavom zatvorenog tipa. Jedan dio prednjica i leđa je postavljen sa jednom vrstom postave a gornji dio prednjica, leđa i rukava je postavljen sa drugom vrstom postave u boji osnovne tkanine.

### **8.1.6. Oznake sudske policije na artiklu:**

Na desnom rukavu, na sredini gornje polovine rukava, na čičak traku našivenu na džep postavlja se gumirani amblem sa natpisom Federacije Bosne i Hercegovine i Sudske policije, čiji je izgled dat u **Prilogu 2., Opis i skica 2.**, a neposredno iznad se postavlja gumirana oznaka krvne grupe čiji je izgled dat u **Prilogu 2., Opis i skica 6.**

Na lijevom rukavu, na sredini gornje polovine rukava, na čičak traku našivenu na džep postavlja se gumirani amblem sa značkom Sudske policije, čiji je izgled dat u **Prilogu 2., Opis i skica 3.**

Iznad patne džepa na lijevoj strani na našiveni vlaknasti dio čičak trake širine 3 cm, dužine 14 cm postavlja se gumirana identifikaciona oznaka korisnika npr. JEDINICA ZA SPECIJALISTIČKU PODRŠKU, čiji je izgled dat u **Prilogu 2., Opis i skica 4.**

Iznad patne džepa na desnoj strani na našiveni vlaknasti dio čičak trake širine 3 cm, dužine 14 cm postavlja se gumirana identifikaciona oznaka formacijskog mjesta odnosno dužnosti koju obavlja korisnik npr. VOĐA TIMA ZA SPECIJALNE OPERACIJE, čiji je izgled dat u **Prilogu 2., Opis i skica 5.**

Na prednjoj strani u gornjem lijevom dijelu na našiveni okrugli vlaknasti dio čičak trake promjera 7 cm postavlja se gumirana značka sudske policije, čiji je izgled dat u **Prilogu 2., Opis i skica 1.**

Na lajsni sa spoljne strane u visini između džepova na našiveni dio čičak trake, širine 5 cm, dužine 10 cm kači se gumirana oznaka čina korisnika, čiji je izgled i opis dat u **Prilogu 2., Skica od tačke a) do tačke k) Izgleda pojedinačnih oznaka čina na taktičkoj uniformi.**

## **8.2. Podjakna**

### **8.2.1. Opis artikla:**

Podjakna je izrađena od softshell materijala, sa anatomski oblikovanim krojem, te je namjenjena za nošenje ispod vanjske jakne, kao zaštita od vjetra i velike hladnoće, a ista se po potrebi može i samostalno nositi.

Kragna podjakne je po dimenzijama usklađena s kragom vanjske jakne.

Sa unutrašnje strane u predjelu vratnog izreza ušivena je vješalica od keper trake širine 1 cm u boji osnovne tkanine.

Jakna se kopča sa gumiranim rajfešlusom od vrha kragne do dna jakne. Ispod rajfešlusa u gornjem dijelu našiven je i branik za bradu.

Na lijevoj i desnoj strani prednjice izrađeni su kosi skriveni džepovi sa otvorima za kablove uređaja u unutrašnjosti i sa dva paspula koji se kopčaju pomoću skrivenog rajfešlusa u kojem je u gornjem dijelu izrađen tunel za skrivanje potezača dužine 2cm.

Na prednjici na lijevoj strani (koso) je našiveni vlaknasti dio čičak trake širine 3 cm, dužine 14 cm koji služi za identifikacione oznake korisnika npr. JEDINICA ZA SPECIJALISTIČKU PODRŠKU. Iznad čičak trake na lijevoj strani našiven je okrugli vlaknasti dio čičak trake promjera 7 cm za kačenje značke.

Na desnoj strani prednjice (koso) je našiveni vlaknasti dio čičak trake širine 3 cm, dužine 14 cm koji služi za identifikacione oznake formacijskog mjesta odnosno dužnosti koju obavlja sa oznakom krvne grupe korisnika npr. VOĐA TIMA ZA SPECIJALNE OPERACIJE.

Na lijevoj strani do rajfešlusa sa spoljne strane prednjice našiven je dio čičak trake, širine 5 cm, dužine 10 cm i služi za kačenje oznake čina korisnika.

Sa lijeve unutrašnje strane prednjice izrađen je unutrašnji džep sa čičak zatvaranjem.

Rukavi se izrađuju iz jednog dijela, a u zglobnom dijelu, našivena je letvica (traka) koja je također, izrađena od osnovne tkanine sa gumiranim završetkom, a služi za prilagođavanje obima rukava. Trake su našivene u bočnim šavovima rukava i na svom unutrašnjem dijelu imaju našiven kukičasti dio čičak trake. Na cca 1 cm od bočnog šava u kome je ušivena lajsna, počev od prednjeg dijela rukava, našiven je kukičasti dio čičak trake. Opisanim čičak trakama i lajsnama omogućena je regulacija obima otvora rukava, kojima se postiže udobnost i komocija korisnika.

Na oba rukava nalazi se isti raspored džepova ojačanja i ostalih dodataka.

Na gornjem dijelu rukava nalaze se dva džepa i sa otvorima za kablove uređaja u unutrašnjosti, otvaraju se putem zatvarača sa vezicama na zatvaračima za lakše otvaranje.

Na donjem dijelu lijevog rukava sa izrađen je skriveni džep gumiranim zatvaračem i sa vezicama na zatvaraču za lakše otvaranje.

Na spoljnom dijelu džepa našiven je vlaknasti dio čičak trake koji služi za kačenje oznaka.

Na laktom dijelu jakne našivena su ojačanja.

Jakna ima ventilacijske otvore ispod pazuha sa gumiranim zatvaračima i sa vezicama za lakše otvaranje.

Jakna ima podesivu kapuljaču u kragni, dostupnu putem duplih rajlflešlusa na kragni i sa vezicama za lakše otvaranje.

Podešavanje otvora na kapuljači se vrši učkurima provedenim kroz unutrašnjost jakne, a dostupnim kroz vanjske đepove na prsima.

Leđa su izrađena iz tri dijela.

Na donjem centralnom dijelu leđa po širini i u visini od 30 cm od ruba jakne izrađen je džep – ventilacijski otvor postavljen mrežicom i sa dva otvora na lijevoj i desnoj strani leđnog dijela koji se zatvaraju sa dva blago ukoso postavljena gumirana rajlflešlusa koji imaju vezice za lakše otvaranje.

U porubu unutrašnje jakne uvučena je pletena špaga sa stoperima za korekciju širine po dužini jakne.

Na vanjskom leđnom vratnom izrezu i u donjem dijelu rukava na vanjskom šavu izrađuju se vješalice od keper trake u istoj boji tkanine širine 1cm, koja služi za fiksiranje sa vanjskom jaknom.

Na svim rajfešlusima izrađeni su potezači od pvc gume.

Driker: metalna kapa, tip 15, boja osnovne tkanine.

Rajfešlus: - gumirani boja osnovne tkanine, (džepovi).

### **8.2.2. Deklaracija:**

U unutrašnjoj strani podjakne našivena je etiketa koja sadrži sirovinski sastav, zemlju porijekla proizvođača, te način održavanja podjakne, a na sredini leđnog dijela, ispod kragne našivena je etiketa sa veličinskim brojem.

### **8.2.3. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke podjakne je 48 mjeseci.

### **8.2.4. Izgled i tehničke karakteristike:**

- Izgled podjakne dat je u *Prilogu 1., Skica 8b.*;
- Boja podjakne je zelena, čije su karakteristike date u *Prilogu 1.*;

- Ovaj sastavni dio taktičke uniforme izrađivat će se u EU veličinama;
- Tehničke karakteristike osnovne tkanine podjakne su navedene u *Prilogu 1., Tabela 8.*

### **8.2.5. Oznake sudske policije na artiklu:**

Na desnom rukavu, na sredini gornje polovine rukava, na čičak traku našivenu na džep postavlja se gumirani amblem sa natpisom Federacije Bosne i Hercegovine i Sudske policije, čiji je izgled dat u *Prilogu 2., Opis i skica 2.*, a neposredno iznad se postavlja gumirana oznaka krvne grupe čiji je izgled dat u *Prilogu 2., Opis i skica 6.*

Na lijevom rukavu, na sredini gornje polovine rukava, na čičak traku našivenu na džep postavlja se gumirani amblem sa značkom Sudske policije, čiji je izgled dat u *Prilogu 2., Opis i skica 3.*

Iznad gornjeg otvora džepa na lijevoj strani na našiveni vlaknasti dio čičak trake širine 3 cm, dužine 14 cm postavlja se gumirana identifikaciona oznaka korisnika npr. JEDINICA ZA SPECIJALISTIČKU PODRŠKU, čiji je izgled dat u *Prilogu 2., Opis i skica 4.*

Iznad gornjeg dijela otvora džepa na desnoj strani na našiveni vlaknasti dio čičak trake širine 3 cm, dužine 14 cm postavlja se gumirana identifikaciona oznaka formacijskog mjesta odnosno dužnosti koju obavlja korisnik npr. VOĐA TIMA ZA SPECIJALNE OPERACIJE, čiji je izgled dat u *Prilogu 2., Opis i skica 5.*

Na prednjoj strani u gornjem lijevom dijelu na našiveni okrugli vlaknasti dio čičak trake promjera 7 cm postavlja se gumirana značka sudske policije, čiji je izgled dat u *Prilogu 2., Opis i skica 1.*

Na lajsni sa spoljne strane u visini između džepova na našiveni dio čičak trake, širine 5 cm, dužine 10 cm kači se gumirana oznaka čina korisnika, čiji je izgled i opis dat u *Prilogu 2., Skica od tačke a) do tačke k) Izgleda pojedinačnih oznaka čina na taktičkoj uniformi.*

## **9. Majica kratkih rukava sa okruglim izrezom**

### **9.1. Opis artikla:**

Majica kratkih rukava sa okruglim vratom je klasičnog kroja.

Okovratnik majice kratkih rukava je užeg elastičnog okruglog izreza.

Gornji dio majice kratkih rukava je dužine do bokova i završava porubom.

Rukavi se završavaju porubom.

Svi spojevi na majici kratkih rukava su šiveni elastičnim spojem.

### **9.2. Deklaracija:**

U unutrašnjoj strani majice kratkih rukava našivena je etiketa koja sadrži sirovinski sastav, zemlju porijekla proizvođača, te način održavanja i etiketa sa veličinskim brojem.

### **9.3. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke majice kratkih rukava je 12 mjeseci.

### **9.4. Izgled i tehničke karakteristike:**

- Izgled majice kratkih rukava dat je u *Prilogu 1., Skica 9. i 9a.*;
- Boja majice kratkih rukava je zelene, odnosno boja osnovne uniforme, boja je postojana;
- Ovaj sastavni dio taktičke uniforme izrađivat će se u EU veličinama;
- Tehničke karakteristike osnovne tkanine majice kratkih rukava da je izrađen od 100% pamuka, težine min. 170 gr/ m<sup>2</sup>, što je navedene u *Prilogu 1., Tabela 9.*

### **9.5. Oznake sudske policije na artiklu:**

Na prednjem lijevom dijelu prednjice u visini grudi termonatpisom ispisuje se značka sudske policije, čiji je izgled dat u *Prilogu 2., Opis i skica 1.*

Na zadnjem gornjem dijelu termonatpisom ispisanim u tri reda visine 7 cm, širine 25 cm i glasi: „JEDINICA ZA SPECIJALISTIČKU PODRŠKU“, čiji je izgled dat u *Prilogu 2. Opis skica 7.*

## **10. Majica kratkih rukava sa polo kragom**

### **10.1. Opis artikla:**

Majica kratkih rukava sa polo kragom je klasičnog kroja.

Kragna majice kratkih rukava je tzv. "polo kragna", fiksna od čvrstog materijala koja omogućava čvrsto stajanje iste, bez savijanja njenih krajeva.

Majica se kopča sa 3 pvc dugmeta.

Gornji dio majice kratkih rukava je dužine do bokova i završava porubom.

Rukavi se završavaju porubom, a u visini bicepsa nalaze se džepovi za olovku.

Na lijevom i desnom rukavu našivene su šire čičak trake za pričvršćivanje amblema Sudske policije u Federaciji BiH, kao i oznaka krvne grupe.

Na prednjem lijevom dijelu majice u visini grudi našivena je okrugla čičak traka na koju se lijepi gumirana značka Sudske policije.

Na prednjem desnom dijelu majice u visini grudi našivena je čičak traka na koju se lijepi gumirana oznaka „naziv radnog mjesta“ službenika.

Na prednjem dijelu majice, u sredini, ispod dugmadi za kopčanje, našivena je čičak traka na koju se lijepi gumirana oznaka čina.

Svi spojevi na majici kratkih rukava su šiveni elastičnim spojem.

### **10.2. Deklaracija:**

U unutrašnjoj strani majice kratkih rukava našivena je etiketa koja sadrži sirovinski sastav, zemlju porijekla proizvođača, te način održavanja i etiketa sa veličinskim brojem.

### **10.3. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke majice kratkih rukava je 12 mjeseci.

### **10.4. Izgled i tehničke karakteristike:**

- Izgled majice kratkih rukava sa polo kragom dat je u *Prilogu 1., Skica 10.*;
- Boja majice kratkih rukava je zelene boje, odnosno boja osnovne uniforme, boja je postojana;
- Ovaj sastavni dio taktičke uniforme izrađivat će se u EU veličinama;
- Karakteristike osnovne tkanine majice kratkih rukava da je izrađen od češljanog pamuka 100% i kragne 21% pamuka i 79% +/-5%, da omogućava prozračnost, da upija znoj i hladi, da je udobnog dizajna i težine cca 220 gr/ m<sup>2</sup>. +/- 5%, što je navedene u *Prilogu 1., Tabela 10.*

### **10.5. Oznake sudske policije na artiklu:**

Na desnom rukavu, na sredini gornje polovine rukava, na čičak traku našivenu na rukav postavlja se gumirani amblem sa natpisom Federacije Bosne i Hercegovine i Sudske policije, čiji je izgled dat u *Prilogu 2., Opis i skica 2.*, a neposredno iznad se postavlja gumirana oznaka krvne grupe čiji je izgled dat u *Prilogu 2., Opis i skica 6.*

Na lijevom rukavu, na sredini gornje polovine rukava, na čičak traku našivenu na rukav postavlja se gumirani amblem sa značkom Sudske policije, čiji je izgled dat u *Prilogu 2., Opis i skica 3.*



Na lijevoj strani u visini grudi na našiveni vlaknasti dio čičak trake širine 3 cm, dužine 14 cm postavlja se gumirana identifikaciona oznaka korisnika npr. JEDINICA ZA SPECIJALISTIČKU PODRŠKU, čiji je izgled dat u *Prilogu 2., Opis i skica 4.*

Na desnoj strani u visini grudi na našiveni vlaknasti dio čičak trake širine 3 cm, dužine 14 cm postavlja se gumirana identifikaciona oznaka formacijskog mjesta odnosno dužnosti koju obavlja korisnik npr. VOĐA TIMA ZA SPECIJALNE OPERACIJE, čiji je izgled dat u *Prilogu 2., Opis i skica 5.*

Na prednjoj strani u gornjem lijevom dijelu na našiveni okrugli vlaknasti dio čičak trake promjera 7 cm postavlja se gumirana značka sudske policije, čiji je izgled dat u *Prilogu 2., Opis i skica 1.*

Sa spoljne strane neposredno ispod dugamdi, a u visini između grudi na našiveni dio čičak trake, širine 5 cm, dužine 10 cm kači se gumirana oznaka čina korisnika, čiji je izgled i opis dat u *Prilogu 2., Skica od tačke a) do tačke k) Izgleda pojedinačnih oznaka čina na taktičkoj uniformi.*

## **11. Topli veš**

### **11.1. Opis artikla:**

Topli veš se sastoji iz gornjeg i donjeg dijela.

Prozračan, rastezljiv, prijatan za kožu i udoban za nošenje. Namijenjen za nošnju pri niskim temperaturama koji se nose ispod pantalone i košulje. Sastav materijala je 100% poliester. Gornji dio, majica okruglog vrata i donji dio duge gaće. Na rukavima u predjelu laktova, leđnoj strani u donjem dijelu, u predjelu zadnjice te na koljenima, nalazi se dodatno našiven i materijal 100% polar flis u svrsi pružanja dodatne toplinsku zaštite. Na krajevima rukava i nogavica se nalazi ranfla.

Boja i gornjeg i donjeg dijela termo veša je crna.

### **11.2. Deklaracija:**

U unutrašnjoj strani gornjeg dijela toplog veša našivena je etiketa koja sadrži sirovinski sastav, zemlju porijekla proizvođača, te način održavanja i etiketa sa veličinskim brojem.

U lijevoj unutrašnjoj strani pojasa donjeg dijela toplog veša našivena je etiketa koja sadrži sirovinski sastav, zemlju porijekla proizvođača, način održavanja i etiketa sa veličinskim brojem.

### **11.3. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke toplog veša je 24 mjeseca.

### **11.4. Izgled i tehničke karakteristike:**

- Izgled toplog veša dat je u *Prilogu 1., Skica 11.*
- Boja toplog veša je zelene boje, odnosno boja osnovne uniforme, boja je postojana;
- Topli veš će se proizvoditi u EU veličinama;
- Tehničke karakteristike osnovne tkanine toplog veša su navedene u *Prilogu 1., Tabela 11.*

## **12. Čarape**

### **12.1. Opis artikla:**

Čarape su uobičajenog kroja i veličine, u gornjem dijelu imaju izrađenu manžetnu, a ojačane su na peti i prstima.

### **12.2. Garancija:**

Garancija za kvalitativnu i funkcionalnu ispravnost, te osigurane usluge zamjene ili popravke čarapa je 6 mjeseci.

### 12.3. Izgled i tehničke karakteristike:

- Izgled čarapa dat je u *Prilogu 1., Skica 12.*;
- Boja čarapa je crna;
- Čarape će se proizvoditi u EU veličinama;
- Tehničke karakteristike osnovne tkanine čarapa su da su izrađene od 80 % pamuka i 20 % poliamida - *Prilog 1., Tabela 12.*

## 13. Čizme taktičke

### 13.1. Opis artikla:

Crna čizma preko gležnja, lagana i od vodootpornog tekstila/mikrovlakana za akcije, koja diše, bez metala, protiv statike, s vanjskim đonom od gume koja se ne kliže, apsorbujе udarce, s mekanim jastučastim uloškom PUR od dva dijela, s pertlama i unutrašnjim đonom koji se pere u veš-mašini.

Čizma se sastoji iz više dijelova od lagane mekane kože/tekstila, zasniva se na naprednoj tehnologiji za trčanje, koja diše, koja je dinamična i sportskog dizajna koji se proizvodi metodom Strobel ili ekvivalent. Površinska koža odražava sunčevu svjetlost zbog posebnog procesa tamnjenja i smanjuje efekt grijanja cipele pod direktnom sunčevom svjetlošću. To održava kožu i stopala hladnijim nego obična koža. Čizma treba da sadrži membranu koja garantuje vodonepropusnost i koja diše. Šavovi podstave su zapečaćeni trakom za fiksiranje šavova. Veličina 42, čizma za akcije mora imati visinu za nogu od tačno 15,0 cm, koja se mjeri od najniže tačke unutrašnjeg đona na području pete do najviše tačke čizme (Dizajn B prema standardu EN ISO 20347:2012). Vanjski đon je od gume koja apsorbujе udarce, s mekanim jastučastim uloškom PUR od dva dijela i profila srednje jačine koji se ne kliže. Čizmu treba certificirati u skladu s EN ISO 20347:2012 i prikladno označiti. Dodatne zaštitne funkcije su: O2 HRO HI CI WR FO SRC. Čizme su napravljene od hidrofobične, mekane, glatke kravlje kože koja diše. Čizma je opremljena sistemom za hlađenje koji dozvoljаva zraku da cirkulira pri svakom koraku. Na gornjem kraju se nalazi tkanina od poliestera koja diše. Čizma ima sloj otporan na abraziju koja diše i vodootporni sloj podloge sa membranom ePTFE (ili sličnim ekvivalentom). Obrada materijala gornjeg sloja se mora uraditi precizno kako vlaga može neometano izlaziti iznutra ka izvana čizme. „Sistem pozadine“ nije dozvoljen, tj. podstava ne smije prekrivati unutrašnji đon. Jezičak se pravi od tekstila, anatomski je oblikovan i podstavljen pjenom s ćelijama otvorenog tipa. Džep na jezičku je napravljen od fleksibilnih materijala, te je fiksiran Velcrom. Četvrtine su postavljene pjenom s otvorenim ćelijama.

Sistem vezanja se sastoji od 3 para malih plastičnih obruča po čizmi, dva para plastičnih dijelova za vezanje i 1 fiksacijskom trakom Velcro na svakom jezičku. Elementi za vezivanje su zatvoreni i dizajnirani tako da ne dolazi do lijepljenja za užad ili bilo koje druge predmete i/ili češanje o dijelove odjeće. Antistatičko svojstvo se postiže i osigurava korištenjem antistatičke trake u unutrašnjosti cipele. Antistatička traka mora dosezati u čizmu na približno 5 cm iznad gornjeg ruba unutrašnjeg đona.

Obruč na navlačenje od tekstila otporan na poderotine je pričvršćen na gornji kraj za lakše stavljanje. Za bolju zaštitu na području palca čizme prišiva se dodatna zaštita TPU.

Vanjski đon je gumeni - PUR đon s funkcijom stabilizatora na području pete. Papučica na đonu se ne kliže ni u jednom smjeru. Đon je otporan na ulje goriva i antistatičan.

U veličini EU 42, posljednja posjeduje oprugu za palac od tačno 16 mm i oprugu za petu od tačno 12 mm kako bi se omogućio adekvatan gaz i svojstva pokretanja stopala.

Unutrašnji đon s kanalima za ventilaciju na području pete i pod središtem stopala se može ukloniti i pere se na 30 °C. Anatomski je formirano, ima izvrsna svojstva apsorpcije vlage i brzo se suši. Vanjski đon je protuklizni, grubo podstavljeni gumeni đon s mekanim sojem za prigušivanje napravljenim od dvije PUR komponente. Uslijed posebne opruge za palac i petu, na đonu postoji

udubno kružno kretanje stopala. Đon se čisti sam, antistatičan je, ne kliže se i otporan je na ulje od goriva. Sloj PU garantuje sljedeće funkcije: visoke karakteristike prigušivanja na području pete i palca, visoki povrat energije i podršku stopalu, dobru izolaciju od toplote i hladnoće. Proizvođač mora biti certificiran u skladu s EN ISO 9001:2015 (Sistem upravljanja kvalitetom) i EN ISO 14001:2009 (Sistem upravljanja okolišem) i certifikati treba da se prilože uz garanciju. Čizme moraju biti proizvedene u skladu s najnovijim ekološkim uslovima, da je koža koja se koristi bez toksičnih supstanci kao što su PCP, AZO - boje i Chromium-VI. Koža ima tanki premaz formaldehida.

### **13.2. Deklaracija:**

Na unutrašnjoj strani čizme mora se nalaziti etiketa proizvođača s naznakom veličine, modela, načina održavanja i vrste certifikata koji posjeduje.

### **13.3. Garancija:**

Garantni rok za kvalitativnu i funkcionalnu ispravnost, te osigurane usluge zamjene ili popravke čizama je 24 mjeseca od dana isporuke robe.

### **13.4. Izgled i tehničke karakteristike:**

- Izgled čizama dat je u *Prilogu 1., Skica 13.*;
- Tehničke karakteristike čizme su navedene *Prilogu 1., Tabela 13.*
- Boja čizama je crna;
- Čizme će se proizvoditi u EU veličinama.

## **14. Taktička/borbena patika za ljeto**

### **14.1. Opis artikla:**

Crna, lagana, sa pertlama, napravljena od kombinacije mikrofibera i tekstila, prozirna, bez metala, anti-statična, protiv-klizna, sa džonom koji absorbira udarce, sa mehkrom dvo-komponentnom PUR obloškom, sistemom brzog vezivanja i džepom za jezik. Uložak se može prati u veš mašini. Bobena patika je napravljena od višedjelne kombinacije mikrofibera i tekstila, lagana je, sa pertlama, prozirna, dinamična sa sportskim dizajnom, napravljena Strobel metodom ili ekvivalent u dizajnu A. Posjeduje membranu koja garantira prolaz zraka, i onemogućava prolaz vode. Šavovi su zatvoreni trakom za zatvaranje šavova. Prema EU veličini 42, patika ima visinu od približno 8 cm, izmjereno od najniže tačke uloška u dijelu pete, do vrha čizme.

Đon je napravljen od dvo-komponentne gume sa mehkrom PUR obloškom koja apsorbira udarce i protiv-klizna je, sa srednje jakim profilom. Patika je certificirana prema EN ISO 20347:2012 i prema tome je označena. Dodatne zaštitne funkcije su: O2 HRO HI CI WR FO SRC. Knjižica mora biti dostavljena sa svakim parom obuće, koji sadrži informacije o veličini, nošenju, održavanju, informacije o standardima, skladištenju, opravci, ulošku i anti- statičnim karakteristikama.

Patike su napravljene od prozračnog mikrofibera i tekstila.

Patika je opremljena sa klimatskim sistemom koji omogućava cirkulaciju zraka pri svakom koraku. Na gornjem dijelu navlake se nalazi prozirna poliesterna tkanina.

Patika ima postavu koja je prozirna, otporna na abraziju i vodu sa PTFE membranom (ili ekvivalentom).

Obrada materijala u gornjem dijelu dozvoljava nesmetan prolaz vlage iznutra prema vani. Postava ne pokriva unutrašnji đon. Tekstilni jezik je anatomski oblikovan tapaciran spužvom sa zračnim mjehurićima. Džep za pertle je napravljen od fleksibilnog rastezujućeg materijala na gornjem dijelu jezika. Gornjište je tapacirano sa spužvom sa zračnim mjehurićima.

Sistem vezivanja se po patici sastoji od 3 para malih plastičnih omči na prednjem dijelu i 2 para plastičnih stojećih omči na četvrtinskom području, fiksator pertli u vidu trake na jeziku.

Zbog bolje fiksacije, gornjište je ojačano sa specijalnim materijalom koji se sastaje sa omčama za pertle.

Vezujući elementi su zatvoreni tako da ni jedan element ne viri i ne struže od odjeću.

Anti-statična svojstva su osigurana sa tekstilnom trakom od metalnih konaca u unutrašnjosti patike. Anti statična traka doseže 5 cm unutar čizme iznad gornje ivice unutrašnjeg džona.

Dodatnu zaštitu u dijelu prstiju osigurava dodatni TPU pokrivač, koji je zalijepljen i zašiven.

Vanjski đon je gumen (PUR) sa stabilizirajućom funkcijom u petnom dijelu. Gazište je protiv klizno u svim smjerovima. Đon je otporan na loživa ulja i anti statičan.

U patikama se nalazi opruga u području prstiju i u području pete, koja daje dodatnu udobnost i talasni pokret stopala.

Uložak sa ventilacionim prolazima u području pete i jastučića stopala se može odstraniti i prati na 30°C. Anatomski je oblikovan i ima odlična apsorbirajuća svojstva i brzo se suši.

## Vanjski đon

Protiv-klizna, grubo stavljen gumeni đon sa mehkrom prigušujućom obloškom napravljenom od dvije PUR komponente.

Zbog specijalne amortizirajuće osobine na dijelu pete i prstiju, dobija se velika udobnost i talasni pokret stopala.

Đon ima osobinu samočišćenja, anti statičan je, protiv klizni i otporan na loživo ulje. PU obloška garantira slijedeće:

- prigušivajuće osobine u dijelu pete i prstiju,
- potpora pri uspinjanju i povrat energije,
- odlična izolacija hladnoće i toplote,
- optimalno hodanje i talasne osobine.

## 14.2. Deklaracija:

Na unutrašnjoj strani patike mora se nalaziti etiketa proizvođača s naznakom veličine, modela, načina održavanja i vrste certifikata koji posjeduje.

## 14.3. Garancija:

Garantni rok za kvalitativnu i funkcionalnu ispravnost, te osigurane usluge zamjene ili popravke čizama je 24 mjeseca od dana isporuke robe.

## 14.4. Izgled i tehničke karakteristike:

- Izgled patika dat je u *Prilogu 1., Skica 14.;*
- Tehničke karakteristike patike su navedene u *Prilogu 1., Tabela 14.;*
- Boja patika je crna;
- Patike će se proizvoditi u EU veličinama.

## 15. Taktičke rukavice

### 15.1. Opis artikla:

Rukavice su namjenjene za zaštitu ruku (šake) od hladnoće i ostalih vremenskih nepogoda prilikom rada i nošenja. Rukavice su urađene sa pet odvojenih prstiju. Na gornjem tekstilnom dijelu rukavica nalazi se zaštitna gumena brizgana ploča/traka na dio prstiju i šake.

Donji dijelovi rukavice su izrađeni iz dijelova netkanog tekstila sa dodatnim pojačanjima na dlanu i dijelu prstiju gdje se šaka previja. Šavovi rukavica izvedeni su iznutra na sastavu, fino su obrađeni da ne stvaraju nabore i ne žuljaju. Na donjem dijelu rukavice, više podlaktice, nalazi se regulator za stezanje rukavice u članku ruke. Regulator ili kopčanje rukavica je lajsna izrađena od netkanog tekstila sa čičak trakom. Za šivanje korišten je poliesterski konac.

## **Boje rukavica: crna**

Fabrikacija ili konstruktivna izvedba rukavica je kvalitetno urađena da se prsti mogu neometano previjati za određenu namjenu i upotrebu. Tekstilni dijelovi na rukavicama omogućavaju disanje kože šake i smanjuju znojenje. Dlan i prsti su od netkanog tekstila odlično prijanjaju za ruku. Na vrhu palca i kažiprsta je dodatno ugrađeno pojačanje.

### **15.2. Deklaracija:**

Na unutrašnjoj strani patike mora se nalaziti etiketa proizvođača s naznakom veličine, modela, načina održavanja i vrste certifikata koji posjeduje.

### **15.3. Garancija:**

Garantni rok za kvalitativnu i funkcionalnu ispravnost, te osigurane usluge zamjene ili popravke rukavica je 24 mjeseca od dana isporuke robe.

### **15.4. Izgled i tehničke karakteristike:**

- Izgled rukavica dat je u *Prilogu 1., Skica 15 i 15a;*
- Karakteristike tehničkih podataka za taktičke rukavice su navedene u *Prilogu 1., Tabela 15.;*
- Boja je crna;
- rukavice će se proizvoditi u veličinama 8 ½, 9, 9 ½, 10, 10 ½, 11, 11 ½ i 12.

## **III**

Svi sastavni dijelovi taktičke uniforme imaju propisan upotrební rok trajanja.

Upotrební rok trajanja sastavnog dijela uniforme računa se od dana kada je službenik sudske policije zadužio sastavni dio uniforme.

Upotrební rokovi trajanja sastavnih dijelova taktičke uniforme su:

### **Sastavni dijelovi:**

- a) kapa kačket;
- b) kapa beretka;
- c) kapa zimska;
- d) košulja dugih rukava;
- e) borbena majica - podpancirna;
- f) pantalone;
- g) kratka jakna;
- h) duga jakna sa podjaknom;
- i) majica kratkih rukava sa okruglim izrezom
- j) majica kratkih rukava sa polo kragom
- k) topli veš;
- l) čarape;
- m) taktičke čizme
- n) taktičke/borbene patike
- o) taktičke rukavice

### **Upotrební rok trajanja**

- 2 godine
- 4 godine
- 4 godine
- 1 godina
- 1 godina
- 1 godina
- 4 godine
- 4 godine
- 1 godina
- 1 godina
- 2 godine
- 6 mjeseci
- 4 godine
- 4 godine
- 2 godine

## **IV**

Taktičku uniformu, odnosno njene propisane sastavne dijelove u pravilu zadužuju svi službenici Jedinice za specijalističku podršku Sudske policije u Federaciji Bosne i Hercegovine.

Izuzetno od odredbi iz predhodnog stava, po ukazanoj potrebi, direktor Sudske policije Federacije Bosne i Hercegovine, može donijeti odluku da i drugi službenici sudske policije zaduže i nose taktičku uniformu.

## V

Taktička uniforma, odnosno njeni propisani sastavni dijelovi nose se na sljedeći način:

- a) kapa kačket, kapa beretka i zimska kapa od flisa nosi se na glavi, na način da ivica oboda kape ide horizontalno po liniji najvećeg obima glave. Službenik sudske policije u toku obavljanja službenih poslova u uniformi na otvorenom prostoru obavezan je na glavi nositi kapu, u zatvorenom prostoru kapa se skida, ako to dozvoljava vrsta službenih poslova. U prilikama kada se kapa ne nosi na glavi ista se pravilno mota i stavlja u džep pantalona;
- b) košulje se nose samostalno ili ispod jakne, a kada se nose samostalno na istim se postavljaju propisane oznake Jedinice za specijalističku podršku Sudske policije (emblemi na rukavima, oznake naziva radnog mjesta, oznake čina, značka sudske policije, oznaka krvne grupe i td.). Košulja se drži se zakopčana, uvučena u pantalone a po potrebi i u određenim prilikama može se nositi puštena preko pantalona;
- c) pantalone trebaju pristajati i biti nošene da se donja ivica pojasa - kaiša nalazi na kosti kuka, dok je donji dio nogavice ravnomjerno postavljen preko gornjeg dijela taktičke čizme ili taktičke patike, odnosno po potrebi postavljen unutar gornjeg dijela taktičke čizme;
- d) kratka jakna se nosi samostalno na košulju ili majcu (kratkim rukava, borbenu majcu itd.), na istu se postavljaju propisane oznake Jedinice za specijalističku podršku Sudske policije (emblemi na rukavima, oznake naziva radnog mjesta, oznake čina, značka sudske policije, oznaka krvne grupe i td.). Jakna se drži zakopčana;
- e) duga jakna-vanjska jakna se nosi samostalno ili sa podjaknom, na istu se postavljaju propisane oznake Jedinice za specijalističku podršku Sudske policije (emblemi na rukavima, oznake naziva radnog mjesta, oznake čina, značka sudske policije, oznaka krvne grupe i td.). Nosi se zakopčana, a u zatvorenom prostoru može se nositi otkopčana. Kapuljača je po pravilu pravilno presavijena u kragu jakne;
- f) podjakna-duge jakne se nosi po pravilu kao termo uložak vanjske jakne, a može se nositi i samostalno. Kada se nosi samostalno, drži se zakopčana i na istu se postavljaju propisane oznake Jedinice za specijalističku podršku Sudske policije (emblemi na rukavima, oznake naziva radnog mjesta, oznake čina, značka sudske policije, oznaka krvne grupe i td.);
- g) borbena majica-podpancirka se po pravilu nosi ispod pancira, a može se nositi i samostalno, te se na istu postavljaju propisane oznake Jedinice za specijalističku podršku Sudske policije (emblemi na rukavima i oznaka krvne grupe);
- h) majica kratkih rukava sa okruglim izrezom ispod košulje dugih rukava ili samostalno;
- i) majica kratkih rukava sa polo kragom se nosi samostalno ili ispod jakne a na istu se postavljaju propisane oznake Jedinice za specijalističku podršku Sudske policije (emblemi na rukavima, oznake naziva radnog mjesta, oznake čina, značka sudske policije, oznaka krvne grupe i td.);
- j) topli veš se nosi ispod pantalona i košulje kao higijenska i termo zaštita;
- k) čarape se nose kao termo i higijenska zaštita;
- l) čizme taktičke se nose kao sastavni dio taktičke uniforme u zimskom/jesenjem periodu, a po potrebi i u ljetnom/proljetnom;
- m) borbene patike se nose kao sastavni dio taktičke uniforme u ljetnom periodu.

Svi sastavni dijelovi se održavaju prema uputama proizvođača, navedenim na deklaraciji artikla.

## VI

Sastavne dijelove taktičke uniforme i dodatne opreme službenik sudske policije je dužan čuvati i pravilno održavati.

Nepridržavanje odredaba ove Odluke predstavlja povredu službene dužnosti, koja će se utvrđivati u skladu sa odredbama Pravilnika o disciplinskoj i materijalnoj odgovornosti.

## VII

Prilozi ove Odluke su:

- a) Prilog 1. - Koordinate boje i tehničke karakteristike osnovnih tkanina-materijala sa skicama sastavnih dijelova i detalja na taktičkoj uniformi Sudske policije u Federaciji Bosne i Hercegovine;
- b) Prilog 2. - Opisi i skice oznaka, natpisa i činova na taktičkoj uniformi.

## VIII

Danom stupanja na snagu ove Odluke prestaje da važi Odluka o izgledu, tehničkim karakteristikama i načinu nošenja sastavnih dijelova taktičke uniforme, broj: Sp-01-1311/18 od 12.06.2018. godine.

## IV

Ova Odluka stupa na snagu danom donošenja i ima se objaviti na internet stranici Sudske policije u Federaciji Bosne i Hercegovine

Broj: Sp-01-3011/22  
Sarajevo, 12.12.2022. godine



**DIREKTOR**  
Glavni generalni inspektor sudske policije

Dženad Grošo, mr. iur.